



Crna Gora
Ministarstvo vanjskih poslova

Br:

Podgorica, 22. januara 2019.

PLATFORMA

za učešće ministra vanjskih poslova prof. dr Srđana Darmanovića na neformalnom sastanku ministara vanjskih poslova (Gimnih), Bukurešt, 31. januara-1. februara 2019. godine

Opšte informacije

Ministar vanjskih poslova Crne Gore prof. dr Srđan Darmanović učestvovaće na neformalnom sastanku ministara vanjskih poslova (Gimnih) koji će se održati u Bukureštu 31. januara i 1. februara 2019, na poziv visoke predstavnice za vanjsku i bezbjednosnu politiku F. Mogerini i ministra vanjskih poslova Rumunije Teodora Meleškanua.

Neformalni sastanak ministara vanjskih poslova, takođe poznat i kao Gimnih, održava se svakih šest mjeseci u državi koja trenutno predsjedava EU. To je prilika da ministri neformalno razmotre važna aktuelna pitanja i kretanja unutar Unije. Na sastanku u Bukureštu planirano je da se razmijene mišljenja o Kini s fokusom na ona pitanja koja su od značaja za EU i države kandidate, kao i o zajedničkim izazovima.

Pored neformalnog sastanka, ministar Meleškanu je pozvao ministre vanjskih poslova država EU, ministre vanjskih poslova država ZB i Turske, kao i Evropsku komisiju i Evropsku službu vanjskih poslova na radni ručak na kome će se razmijeniti mišljenja o budućnosti regiona, te bi se posebno cijenilo učešće u ovom dijelu.

Značaj učešća delegacije Crne Gore

Imajući u vidu da je pristupanje Evropskoj uniji jedan od glavnih vanjskopolitičkih prioriteta Crne Gore, učešće ministra vanjskih poslova prof. dr Srđana Darmanovića biće prilika za afirmaciju napretka koji je Crna Gora

ostvarila u oblasti evropske integracije, kao i za potvrdu čvrste opredijeljenosti Vlade da se nastavi i ubrza evropska integracija.

S obzirom na činjenicu da rumunsko predsjedavanje snažno podržava politiku proširenja EU na Zapadni Balkan, neformalni sastanak ministara vanjskih poslova država članica EU biće prilika da se pored dosadašnjeg napretka u evropskoj integraciji predstave i planovi u periodu koji slijedi.

Učešće na ovom sastanku je posebno važno s obzirom da je Crna Gora otvorila 32 i privremeno zatvorila 3 pregovaračka poglavlja, te da se očekuje da se tokom 2019. otvori preostalo poglavlje 8 – Konkurentnost (možda i do kraja rumunskog predsjedavanja). Ujedno, tokom 2019, radiće se na ispunjenju privremenih mjerila u poglavljima 23 – Pravosuđe i temeljna prava i 24 – Pravda, sloboda i bezbjednost. Budući da Crna Gora radi na internoj spremnosti za zatvaranje niza poglavlja, od značaja je da se aktivnosti u tom smjeru predstave državama članicama EU.

Sastav delegacije

Delegaciju Crne Gore će predvoditi ministar vanjskih poslova prof. dr Srđan Darmanović, a u delegaciji će biti:

- Marija Petrović, šefica Kabineta;
- Violeta Berišaj, direktorica Direkcije za Evropsku uniju u Generalnom direktoratu za Evropsku uniju.

Troškove posjete delegacije snosi Ministarstvo vanjskih poslova Crne Gore.

Predlog zaključaka

1. Vlada Crne Gore je, na sjednici _____ 2019. godine, utvrdila Platformu za učešće ministra vanjskih poslova prof. dr Srđana Darmanovića na neformalnom sastanku ministara vanjskih poslova, koji će se održati u Bukureštu, 31. januara - 1. februara 2019. godine, a koju je pripremilo Ministarstvo vanjskih poslova.
2. Vlada Crne Gore je istovremeno odredila članove delegacije koju predvodi ministar vanjskih poslova prof. dr Srđan Darmanović:
 - Marija Petrović, šefica Kabineta;
 - Violeta Berišaj, direktorica Direkcije za Evropsku uniju u Generalnom direktoratu za Evropsku uniju.

Troškove posjete delegacije snosi Ministarstvo vanjskih poslova Crne Gore.